

ODLUKA

**O PRIHVATANJU ZADUŽENJA PO SPORAZUMU O ZAJMU IZMEĐU
BOSNE I HERCEGOVINE I MEĐUNARODNE BANKE ZA OBNOVU I
RAZVOJ (IBRD) ZA REALIZACIJU
PROJEKTA REGISTRACIJE NEKRETNINA – DODATNO
FINANSIRANJE**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), Parlament Federacije Bosne i Hercegovine je, na sjednici Predstavničkog doma održanoj 28.07.2020. godine i na sjednici Doma naroda održanoj 15.10. 2020. godine, d o n i o

ODLUKU

O PRIHVATANJU ZADUŽENJA PO SPORAZUMU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA REALIZACIJU PROJEKTA REGISTRACIJE NEKRETNINA – DODATNO FINANSIRANJE

I.

Prihvata se zaduženje Federacije Bosne i Hercegovine (u daljem tekstu: Federacija BiH) po Sporazumu o zajmu između Bosne i Hercegovine (u daljem tekstu: BiH) i Međunarodne banke za obnovu i razvoj (u daljem tekstu: IBRD) za realizaciju „Projekta registracije nekretnina – dodatno finansiranje“ (u daljem tekstu: Projekat) u iznosu do 7.179.487,00 EUR-a, što iznosi cca 36% od ukupno odobrenih sredstava za Bosnu i Hercegovinu koja iznose 20.000.000,00 EUR.

II.

Sredstva zajma iz tačke I. ove odluke koristit će se za realizaciju „Projekta registracije nekretnina – dodatno finansiranje“.Osnovni cilj i svrha Projekta je unapređenje kvalitete, efikasnosti i djelotvornosti usluga registracije nekretnina kroz osiguranje tačnih, ažurnih, usaglašenih i dostupnih podataka o nekretninama što u konačnici rezultira osiguranje pravne sigurnosti u prometu nekretninama.

III.

Sredstva zajma iz tačke I. ove Odluke odobravaju se Federaciji BiH pod sljedećim uslovima:

- iznos zajma:..... 7.179.487,00 EUR-a
- rok otplate:.....32 godine
- grace period:.....7 godina (uključen u rok otplate zajma)
- kamatna stopa:.....šestomjesečni EURIBOR + fiksna marža
- jednokratna provizija:.....0,25 % na iznos glavnice zajma
- dospijeća:.....polugodišnje u jednakim otplatama glavnice
- datum plaćanja glavnice i kamata15. februar i 15. august svake godine
- provizija na nepovučeni iznos zajma:.....0,25 % godišnje

IV.

Potvrđuje se da je razmatrana dokumentacija prihvatljiva za Federaciju BiH, a posebno:

- Nacrt Sporazuma o zajmu između IBRD-a i BiH;
- Nacrt Projektnog sporazuma između IBRD-a i Federacije BiH;
- Nacrt Dokumenta o procjeni Projekta (PAD);
- Usaglašeni Zapisnik sa pregovora.

V.

Projekat će implementirati Jedinica za implementaciju Projekta, formirana u Federalnoj upravi za geodetske i imovinsko-pravne poslove.

U periodu implementacije Projekta, u budžetu Federacije BiH nije potrebno osigurati finansijska sredstva za dodatno sufinansiranje Projekta.

VI.

Daje se saglasnost za zaključivanje Supsidijarnog sporazuma između BiH i Federacije BiH za sredstva zajma iz tačke I. ove odluke.

Za potpisivanje Supsidijarnog sporazuma, ovlašćuje se federalni ministar finansija.

VII.

Za realizaciju ove odluke i izvještavanje zadužuju se Federalno ministarstvo finansija – Federalno ministarstvo financija, Federalno ministarstvo pravde, Federalna uprava za geodetske i imovinsko-pravne poslove i Jedinica za implementaciju projekta, svako u okviru svoje nadležnosti.

VIII.

Implementacija Sporazuma o zajmu iz tačke I. ove odluke ne zahtijeva donošenje novih ili izmjenu postojećih zakona.

IX.

Ova odluka stupa na snagu narednog dana od dana objavljivanja u "Službenim novinama Federacije BiH".

PF broj: 01, 02-11-912/20
Sarajevo, 15.10.2020. godine

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Mirsad Zaimović

PREDSJEDAVAJUĆI
DOMA NARODA
PARLAMENTA FEDERACIJE BiH

Tomislav Martinović